

Utoqqalinersiaqartut qanigisaannik toqusoqartillugu Kalaallit Nunaanni ilisartornissamat ukiumut ataasiarlutik pisortanit akiliunneqartalernissaat isumageqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Nikolaj Jeremiassen, Siumut)

Akissuteqaat

(Ilaqutariinnermut, Naligiissitaanermut Isumaginninnermullu Naalakkersuisoq)

Aappassaaneerneqarnera

Aallarniutigalugu Naalakkersuisut sinnerlugit isumaliuutissiissut suliarineqarsimasoq qujassutigissavara.

Ataatsimiititaliap isumaliuutissiissuteqarnermini allannguutissatut siunnersuut imatut isikkulik saqqummiunniarlugu suliarisimavaat:

”Utoqqalinersiallit qanigisaminnik toqusoqartillugu ukiumut ataasiarlutik nunatsinni illoqarfigisap avataani ilisinnermut peqataanissamat qinnuteqarnermi ikiorserneqarnissamat periarfissinneqarnissaannut tunngavissamik utoqqalinersiat pillugit malittarisassani ilanngussisoqarnissaannik siunnersuutissamik suliaqaqqullugit Naalakkersuisut peqquneqarnissaat pillugu Inatsisartut aalajangiiffigisassaattut siunnersuut. Utoqqalinersiallip aningaasaqarnikkut inissisimamanna aallaavigalugu kommunit assigiaamik nalilersuilluni missiliuereernerisigut utertitsisussaataitanermik piumasaqaatitalimmik piumasaqaatitaqanngitsumilluunniit ikiorsiissutit tamakkiisumik tamakkiisuunngitsumilluunniit tunniunneqarsinnaasariaqarput”.

Naalakkersuisut maluginiarsimavaat ataatsimiititaliap isumaqatigiilluni inassuteqaatiginiaraa, allannguutissatut siunnersuut taamatut isikkoqartillugu akuersissutigineqassasoq.

Naalakkersuisut qanittukku utoqqalineri pensionisiat pillugit inatsisissatut siunnersuut tusarniaassutigalugu nassiussuteqqammerpaat. Tamatumani inassuteqaatigineqarsimavoq utoqqalineri pensionisiat tamakkiinerusumik isigalugit pitsanngorsaavigineqassasut.

Allannguutissatut siunnersuut manna, utoqqalineri pensionisiasat pillugit inatsissamat allannguutissatut ilanngunneqassasoq UKA 2015-mi saqqummiutuleruniku Naalakkersuisut ilanngunniarumaarpaat. Taamaattorli Naalakkersuisut maluginiaqqussavaat, allannguutissatut siunnersuut aningaasatigut malitseqartussaajumaarmat, taakkuli qulaajaavigeqqaarlugit aatsaat inatsisissatut siunnersuut saqqummiunneqarsinnaajumaarmat. Taamaattumik aallaavigineqartariaqarumaarpoq allannguutissatut siunnersuutip utoqqalineri pensionisat aaqqissuuteqqinnerannut atasumik aningaasaliissutit iluanni isumagineqartariaqarumaartoq.

Taamatut oqaaseqarlunga Naalackersuisut sinnerlugit inassuteqaatigissavara, ataatsimiititaliap allanngutissatut siunnersuutaa taamatut isikkoqartillugu akuersissutigineqassasoq.